



UNIVERSITÄTS-
BIBLIOTHEK
PADERBORN

**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. I. An Forum acquiratur in loco Contractus?

[urn:nbn:de:hbz:466:1-61662](#)

C A P U T III.

De Foro Contractū.

S. I.

An Forum acquiratur in loco Contractū?

S U M M A R I U M.

168. *In loco Contractū quivis convenit ratione contractū: etiam Clericus; sed solum coram Judice Ecclesiastico.*
169. *Etiam privilegiatus alius, nisi habeat privilegium in Corpore Juris clausum.*
170. *Idem procedit de quasi contractū & quavis conventione.*
171. *Idem de distractu, seu negotio dissoluto.*
172. *Licet domicilium mutarit, qui in loco domicilij contraxit.*
173. *Juxta Statuta Bavariae contrahens solum convenit in loco domicilij.*
174. *Exceptis quibusdam casibus.*
175. *Quandoque etiam de Jure communi conveniri nequit in loco contractū.*

168. Sortiri quemvis forum quoad contractum ibi, ubi contractum iniſt, aperti juris est C. ult. de For. comp. C. 1. §. 3. eod. in 6. L. haeres absens 19. §. proinde. ff. de Judic. ita tamen, ut Clerici conveniēti sint coram Judice Ecclesiastico, coram laico laici. cit. C. 1. §. 3. & C. 1. de privil. in 6. Neque obstat, quod Clericus absque licentia sui Ordinarij, cui videlicet ratione Beneficij vel domicilij subjectus est, in alienum Episcopum consentire nequeat juxta C. significasti 18. de For. comp. quia ibi agitur de prorogatione, eoque Episcopo, cui Clericus nullo modo subjectus est; secūs si subjectus fiat ratione vel delicti, vel contractū, vel rei sitæ. Cur autem quivis in loco contractū conveniri possit, & si judicium suscipere ibi nolit, captis pignoribus ac manūs injectione ad id compelli,

pelli, ratio est, ne creditores sumptibus & difficultatibus graver-
tur in adeundo contra debitorem Judice domicilij. C. 1. §. contra-
bentes de For. comp. in 6. & ibi DD. nam locus domicilij saepe
valde dissitus est, & ibi facile judicium fraudibus eludi posset;
præterquam quod in loco contractus facilius constare potest
cum de ipso contractu, tum de solemnitatibus requisitis, quam
ibi, ubi domicilium habet debitor advena.

169. Procedit assertio I. etiam de privilegiatis, ijs videlicet, qui
privilegium habent, ut non nisi coram certo Judice respondere
teneantur: nam nihilominus conveniri possunt coram Judice lo-
ci, in quo contraxerunt. C. dilecti. 17. de For. comp. & cit. C. 1.
de privil. in 6. nisi habeant privilegium in corpore Juris clausum,
ut post Bart. Castr. Felin. ac alij aiunt apud Petr. Barbosa in L. 2. §.
3. ff. de Judic. n. 115. Quæ tamen exceptio an jure subsistat, me-
ritò dubitari potest: nam si vera esset, sequeretur, quod pupillus,
vidua, ac miserabiles personæ, cum habeant privilegium in cor-
pore Juris clausum L. un. C. quando Imperator. conveniri in loco
contractus non possent; quod tamen est contra mentem om-
nium, ut ait Barbosa l. c. n. 118. Milites quoque privilegium ha-
bent in corpore Juris clausum L. tam collatores 18. pr. C. de re
mil. & L. magisteria 6. C. de jurisd. om. judic. & tamen in loco
contractus conveniri possunt. L. penult. C. de pact. Et quod non
obstante privilegio in corpore Juris clauso quivis in loco con-
tractus conveniri possit, probat L. 36. §. fin. ff. de Judic. Verum
sustineri adhuc posse videtur hæc exceptio communi DD. calcu-
lo approbata. Nam L. un. C. quando Imp. solum dicitur, quod pu-
pilli & miserabiles personæ ad Imperatoris tribunal trahi neque-
ant, alios vero ipsi trahere eò queant: non vero absolutum fori
privilegium ipsis conceditur. De militibus non omnibus, sed so-
lum in Oriente constitutis sermo est cit. L. 18. C. de re milit. Ma-
gistris militum de causis militum cognoscendi potestas tribuitur
cit. L. 6. C. de Jurisd. non tamen cum exclusione aliorum Judi-
cum. Demum L. 36. ff. de Judic. non est sermo de personis privile-
giis

gium in corpore Juris clausum habentibus, vi cuius non nisi co-
ram certo Judice conveniri possint.

170. Procedit Assertio II. Non solum de contractu, sed e-
tiam de quasi contractu, & omni conventione, ex qua oritur ob-
ligatio. Accurs. Jas. Gotof. in L. 27. de cond. indeb. Panor. in C. fin.
de For. comp. n. 29. Felin. n. 27. Kling. n. 11. Cuiac. in L. 7. ff. de pact.
Zanger. de Except. p. 2. c. I. n. 109. Umm. ad process. jud. disp. 4. th.
I. n. 4. ac communis apud Olivap. 3. For. Eccl. q. 22. n. 20. contra
Cuman. Albert. de Ros. ac alios. Patet ex L. 19. §. 1. & L. 20. §. 36.
ff. de Judic. Neque solum de obligatione, quæ principaliter ex
contractu oritur, sed etiam de secundaria, ad damna videlicet &
interesse. C. dilecti 17. de For. comp. & ibi Pan. n. 6. Butr. n. 17. Fe-
lin. l. c. n. 19. Jas. in L. 1. ff. de eo, quod certo loco n. 6. Dec. in L. si con-
venierit ff. de Jurisd. n. 31.

171. Procedit III. etiam de distractu, ita videlicet, ut ratione
hujus conventio locum habeat ibi, ubi distractum negotium
fuit. Ita tenent post Castr. Alex. Butr. ac alios Tiraq. in Leg.
commub. gloss. f. §. 8. & Barbosa in L. 19. §. proinde de Judic. n. 12.
ubi tamen hanc legem malè adducit, quia verbum *distrabere* ibi
non accipitur pro *dissolvere*, sed pro *vendere* juxta tit. ff. & C. de
distract. pignor. tit. C. de patrib. qui fil. suos distrax. ac L. 2. §. fin. ff.
de transact. Pariter non appareat, quām benē adducatur L. exi-
gere dotem. ff. de Judic. & L. qui loco certo ff. de condic. indeb. Ra-
tio verò est, quia contractus & distractus à pari procedunt. L.
Pomponius §. præterea ff. de acquir. poss. ipséque distractus mutuo
consensu factus conventionem includit, & obligationem: ubi au-
tem conventio fit, & obligatio contrahitur, ibi conveniri quis
potest, ut modo dictum est.

172. Procedit IV. ut licet in loco domiciliū contraxerim, &
domiciliū mutarim, nihilominus ibi conveniri adhuc possim
ratione contractus vel quasi. L. 2. C. de Jurisd. om. Jud. & ibi Bart.
n. 1. Bald. ac alij, Pan. in C. proposuisti de For. com. n. 8. Felin. n. 2.
Dec. in L. cùm quædam ff. de Jurisd. n. 4. Barbosa in L. 19. §. proin-
S de

de de Judic. rubr. de For. contr. n. 11. quia licet forum domicilij mutari possit, non tamen mutari potest forum contractus. Marian. C. ult. de For. com. n. 56. & cit. DD.

173. Hæc juxta Jus commune asserta sunt. Aliter loquendum est juxta Jus Bavanicum: ex eo enim, quod tit. 19. art. 10. der Landrecht statuitur, ut nullus subditus provincialis alterum a resto gravari faciat in publicis nundinis, aut urbibus & oppidis, ubi neuter eorum civis est, sed ut ad Judicem suum ordinarium remittantur, bene deducunt III. & Excell. D. Schmid & Prænob. D. de Bassis *Semicent. I. Contr. 29. à n. 2.* nullum subditum provinciale habere facultatem, alium subditum extra locum domicilij conveniendi. Cum enim Judex loci contractus jurisdictionem in personam & res advenæ exercere nequeat, nisi per arrestum, detentionem, manus injectionem, & captionem pignorum, consequens est, etiam actionem & conventionem prohibita esse, utpote quæ cum effectu in loco contractus intentari non possit. Neque ratio suprà allata n. 168. in Bavaria locum habet: tum quod locus contractus & domicilij sæpe parum distant; tum quod tribunalia, præsertim superiora, ita constituta sunt, ut nemo justè allegare possit difficultatem litigandi, ac contra inferiorem Judicem, si justitiam non administrat, facile adiri superior possit.

174. At etiam in Bavaria extra locum domicilij subditus provincialis conveniri potest I. Si ibi, ubi intentatur actio, bona possidet, quæ actori expressè vel tacite hypothecata sunt. Ita statuitur tit. II. art. 1. der Landrecht & tit. 3. art. 1. des Sand Proces consequenter ad L. fin. C. ubi in rem actio, L. si prædium C. de præd. Et alijs reb. min. & C. fin. de For. comp. juxta quæ actio realis instituitur coram Judice loci, ubi res sita est. II. Si quis certo loco promisit se soluturum: tunc enim in loco, in quem condixit solutionem, conveniri potest, & per detentionem ac arrestum ad solutionem compelli. Quæ exceptio expressè habetur cit. tit. 19. art. 10. III. Si quæpiam civitas aut oppidum detinendi vel arrestandi

standi facultatem ex antiqua consuetudine habeat. *cit. tit. art. 7.*
 Qualis consuetudo vigere dicitur in Metropoli Bavariae Monachij & Landishuti. Idem dicendum est de privilegio. Videatur
 Illust. ac Excell. D. Schmid *ad cit. art. 7. 9. § 10.* qui cum Praenob.
 D. de Bassis *cit. Contr. 29. n. 10.* benè ait, valere pactum, quo sub-
 ditii Bavariae promittunt, se responsuros in loco contractus, vel
 coram alio Judice non suo: nam si juxta *cit. art. 10. tit. 19.* con-
 veniri possunt in loco, in quem condixerunt solutionem, ut mo-
 dò dictum est, non est ratio, cur non absolute valeat pactum de
 respondendo in loco contractus. Accedit, quod Jure Bavarico
 licita est prorogatio jurisdictionis, saltem tacita, uti aperte sumi-
 tur ex *tit. 5. art. 3.* des *Summaischen Proces/ & tit. 5. art. 13.* der
Geists-Ordnung.

175. Sed & de Jure communi non semper conveniri in lo-
 co contractus potest debitor, videlicet si advena sit, & dum v. g.
 emit, statim ex loco recessurus est, idque nōrit venditor: censem-
 tur enim tunc, si pretium non statim exspectat aut petit, fidem em-
 ptoris sequi, nec solutionem hic petere, ac idcirco hic conveni-
 re non potest. *L. 19. §. proinde 2. ff. de Judic. & ibi Gloss. Bart. Castr.*
Fulgos. Dixi I. si nōrit venditor, advenam emptorem statim dis-
 cessurum: nam si hoc ignorat, convenire eum potest in loco
 contractus. *cit. §. proinde.* Neque haec sententia contradictorem
 habet, ut ait Fulgos. *ibi. n. 5.* Scientia verò aut ignorantia ex con-
 jecturis probatur: v. g. si emptor peregrinus in loco contractus
 pérículam, tabernam, vel horreum conduxit, censetur animum
 habuisse aliquamdiu ibi permanendi, nec recedendi, donec satis-
 fecerit obligationibus contractis. Ita omnes teste Barbos. *in cit.*
§. 2. n. 96. § 105. Dixi II. si pretium non statim petit aut exspectat:
 nam et si sciat venditor, emptorem statim recessurum è loco, si
 tamen credit, solutionem ante discessum faciendam, convenire
 eum hic poterit, quia fidem de pretio non habet, & moram in
 loco domiciliū vel alio tempore hic solvendi non concedit, ut
 observant *cit. DD. Ex dictis inferunt Bart. L. c. n. 1. Bald. col. 1. v.*

S 2

sed

sed pone, Castr. n. 6. ac aliij contra Fulgos. quod venditor, si dicto modo secutus est fidem emptoris advenae, eum in loco contractus convenire non possit, tametsi is postea ad eundem locum, nondum facta alibi solutione, revertatur: nisi, ut addit Castr. in cit. L. 19. §. 1. discedens emptor pergulam in loco contractus servasset. Idem porro tradunt de venditore respectu emptoris quoad obligationem tradendi & evictionem praestandi. Similiter maritus de dote conveniri non potest, ubi de ea convenit, vel dotale instrumentum confectum est; sed solum in loco sui domicilij. L. exigere dotem 65. ff. de Judic. & fusè ibi Petr. Barbol. Denique Legatus conveniri in loco contractus tempore legationis nequit super eo, quod ante legationem contractum est, sed jus habet revocandi domum. L. 2. §. 3. & 4. ac L. 8. ff. de Judic. Quæ leges quomodo conciliandæ sint cum L. eum qui 5. §. 1. ff. de constit. pecun. videatur Cujac. L. 13. obs. 17. & Petr. Barbol. in cit. L. 2. §. 3. à n. 141.

§. II.

*Utrum in loco Contractus ad ejus dissolutionem
agi possit.*

SUMMARIUM.

176. *Varie opiniones DD. proponuntur.*

177. *In loco contractus quirvis conqueri potest, sibi non esse numeratam pecuniam. Et agere ad rescissionem contractus (x. L. 2. C. de Rescind. vendit. Nec non de nullitate contractus. Et Redhibitoria vel Aestimatoria actione ex adulatio Edict. Imò etiam ad restitutionem in integrum.*

178. *Respondetur ad opposita.*

179. *Episcopus loci contractus relaxare juramentum potest, ut impugnari contractus valcat. Nec tamen rescindere contractum.*

180. *Ingens huc dissidium inter DD. est. Communis cum Bald.*